

geizikeit. Ere pringet hoffart. wollust prengt unkeu-
sch polzheit und sund. Künestu das vernemē du w-
urdest eitelkeit in aller werlt vündē und geschrech dir
dan̄ lieb oder leidt das wurdestu dan̄ gar gutlichen
leidē. auch uns ungestrafft lassē. Oder als vil eÿ esel
leeren kan als vil käftu die warheit vernemen. Dar-
umb so sei wir so sere mit dir bekumert. Do wir pri-
amū dē iügling mit tilsen der meide die peide ein sele
und ein willē hettē schidē. Do wir kunig allegādrū
aller werlt herschafft entenigten. Do wir paris und
troy und helenā vō krīchē zu stortē. Do würdē wir
nicht also sere als vō dir gestraffet. Vnd heißer k arl
Marggraff wilhelm. Ditterich vō pern den starckē
pappē und umb den hurnē seiscid habē wir nicht so
vil muē gehabt. Aristotilē und auicenā clagē noch
heut vil leut dēnoch sei wir ungemut. Dornit der ge-
duldīg iob. Salomō der weißheit schrein sturben.
do wart uns mer zu dāck dan̄ geflucht die vor war-
den sint all do hīn und alle die nu sint oder noch wer-
den. mussē alle hīn nach. dēnoch beleiben wir todt
alhie ein herre.

Des clagers wider red das. xxxj. capitel
Wigene red verurteilt offte ein man und ierlich ei-
nen der rezunt eins und darnach ein anders redet. Ir
habt vor gesprochen ir seit etwas und doch nicht eÿ
geist und seit des lebēs ende und euch sint alle irdisch
leut enpfollē. So sprecht ir nu wir mussē alle do hÿ
und ir her tot beleibt alhie ein herre. zwi widerwer-

rig rede mugē mit einander nicht war gewesē. Sul-
len wir vō leben alle do hin scheidē vnd irdisch leben
sol alles end habē vñ ir seit als ir spreche des lebens
end. So merck ich nu wol weñ nymet leben ist. So
wirt nymet sterbens vnd todes. wo kumpt ir dan hin
her todt. In dem himel mugt ir nicht wonūg geha-
bē d̄ ist gegeben allein dē guten geistē. Kein geist seit
ir nach euer red. wan ir dan auff der erden nymet zu
schaffen habt vnd die erde nymet wert so must ir ge-
richts in die helle darinnen must ir an ende krochen.
Do werdē auch die lebendigē vnd die toten an euch
gerochē nach euer wechsel red kan sich nymets geri-
chtē. Soltē alle irdische ding so pol; schmod vñ un-
tuchtig sein geschaffen vnd gewurcket. Das ist der
ewig schopfer vñ anbegīn d̄ weelt nye bezigē wor-
dē. Tugēt liep gehabt. pol;heit gehalten. sūd ober se-
hen vnd gerochē hat got unz. her. Ich glaub hin na-
ch thu er auch dasselbig. Ich hab vñ iugēt auff geho-
ret lesen vñ geleeret wie got alle ding beschaffē ha-
be. Ir sprecht wie alle irdische wesen vnd lebē sullē
ein end nemē. So spricht plato vnd ander weislagē
das in allē sachē eines zu ruttūg des andern geperūg
sei vnd wie alle sach auff vorkūd sint gepauet. Vnd
wie des himels lauff der planetē vnd der erdē vñ einē
in das an der sich veruādeln darauff nymēt pauen
sol. wolt ir mich vñ meiner clag benemē vñ sterckē.
Des beruff ich mich mit euch an got meinē heilant
Her tot ūderber. damit geb euch got ein poles amē.